



UNIVERSITÄTS-
BIBLIOTHEK
PADERBORN

**Chronologiae Veteris Testamenti Accvratvm Examen
Augustißimæ, Invictissimæq[ue] Domui Austriacæ
Dicatvm**

Philippi, Henricus

Coloniae Agrippinae, 1637

26. Quando Iudas duxerit Sue Odollamitidem. Gen.38.v.1.

[urn:nbn:de:hbz:466:1-64340](https://nbn-resolving.org/urn:nbn:de:hbz:466:1-64340)

verò Hebræi, Chaldæi, Græci, S. Augustinus & alij, qui Iosepho, cum videretur 17. annos tribuunt, de currentibus loquuntur, ita vt labente anno ætatis suæ 17. Ioseph à suis fratribus venditus sit, ætatis Iacobi 108. iuxta S. Augustin. q. 122. in Genesin, & Chronicon Alexandrinum. Repromissionis 93. supra centesimum vt notat Eusebius, decimo tertio antequam ipse Ioseph carcere Ægyptiaco solutus Pharaoni sisteretur, vt cõputat Demetrius apud Eusebium. In hâc Chronologiam pleriq; omnes, maximè recentiores conspirant. Pererius, Samerius, Tornielius, Gordonus, Cornelius, Bonfretius, Petavius, quos inter tam exigua est de annis iam recensitis discrepantia, vt pro nulla merito haberi possit. Aliud est de annis mundi, à diluuiio, ante Christum ad hanc venditionem relatis.

CAPVT XXXVIII. V. 1.

- De Coniugio Iudæ
vria certa.*
1. **E**odem tempore, descendit Iudas. Certum est primò, ea, quæ de Iudæ coniugio hic narratur, contigisse antequam Iacob cù sua familia in Ægyptum descenderet: quæ enim hoc cap. 38. referuntur gesta sunt in terra Chanaan, ad quos Iacob & Iuda non sunt reuersi, ex quo in Ægyptum à Iosepho vocati, sese contulerant. Deinde filij Iudæ Her & Onan coniuges Thamar, in Chanaan mortui sunt, Gen. 46. v. 12. ergo aliquot annis antè nati fuerant, quam eorum parens & auus è Chanaan in Ægyptum descenderent.
 2. Certum est secundò, ab anno 17. ætatis Iosephi, quo labente ipse venditus est, exclusiue, vsque ad descensum Iacob in Ægyptum effluxisse annos 27. Inter enim Ioseph, cum Pharaoni, somnium eius interpretaturus sisteretur, triginta annorum, Gen. 41. v. 46. mox septennium vt ætatis, tum sterilitatis biennium intercessit, quoad Iacob in Ægyptum à Filio accerseretur. Gen. 45. v. 6. Erat tempore Cathodi Iosephi expleto 39. ætatis anno, quadragesimum agens. Subductis igitur 17. annis, ad quos Iosephus cum venderetur peruenerat, remanebunt anni 23. à tempore quo Iosephus venditus est ad descensum Iacob in Ægyptum.
 3. Certum etiam mihi videtur, Iudam, vt hic narratur, vxorem duxisse, hoc id ferè tempus, quo Ioseph abductus est: hoc enim indicant verba illa primæ huius capitis. Eodem tempore, quibus Moyses hanc auspiciatur historiam. Cõsentiunt Hebræus, Latinus, Chaldæus, nec dissentit Græcus dum ait: *ἐν τῷ αὐτῷ χρόνῳ*: verum autem paucis annis, ante, vel post; disputari potest.
 4. Nonnulli, vt Tornielius ita verba prima huius capitis interpretantur, Iudas anno circiter 13. ætatis suæ genuerit Her, mox anno sequenti Onan, ad annum 15. Selam: anno Iudæ 27. Thamar nupsit primum Her, deinde mortuo Onan, hoc etiam è viuis sublato, Thamar vidua vsque ad annum 27.
- De tempore huius
coniugij
vria certa.*

Iudæ iam propè desinètem nuptias cum Sela expectauerit, quibus frustrata, se factum suo locero prostituerit, & gemellos ex eo pepererit, Phares & Zaram, anno 29. Iudæ mense circiter septimo. Phares annum vitæ 13. ingressus, ducta vxore successiue spatio decem & nouem mensium genuerit Hamul & Helston, ita vt posterior paulo antequam Iacob descenderet in Aegyptum nasceretur.

5. Duo autem potissimum huic opinioni obsistunt. 1. Quod Moyses scribat, *Refusus duplicis.* eodè tempore, Iudæ nuptias contigisse, quo Iosephi abductione: hæc autè opinio, Iudæ connubiū septennio circiter anteuertit, & violenta interpretatione prima huius cap. verba, ad medium duntaxat tempus refert, quod à nuptijs Iudæ, vsq; ad natiuitatem Phares decurrit. *Alterum*, quod creditu difficile sit Iudam & filios eius in tantilla ætate liberis operam dedisse, & tam crebro ex vna vxore prolem suscepisse. Vult enim Torniellus an. m. 2306. num. 6. Iudam anno 13. ætatis suæ sub finem mensis decimi suum primogenitum suscepisse; anno sequenti mense circiter octauo, alterum filium; tertio anno, qui erat Iudæ 17. natum esse tertium filium sexto circiter mense. Quæ sanè mira videntur.

6. Si Iudas ante proditum Iosephum duxit vxorem, quod fieri potuisse insinuat S. August. q. 128. in Gen. id non nisi de exiguo tēporis spatio cōcedi debet. Siquidem Liam non nisi septennio circiter antequam Iosephus nasceretur duxit Iacobus, & quarto demū partu, ex eadē Iudā suscepit, ac proinde haud multo ultra triennium Iudas ætate Iosephum anteuertit. Hic autem veditus est, anno vitæ suæ 17. cum Iudas esset 20. circiter annorum, & dicitur eodem tempore, quo scilicet nuper admodū Ioseph abductus est, duxisse vxorē filiā Sue. Gen. 38. v. 1.

7. Quare verius, vt arbitror, censent alij, connubium Iudæ initum eodē anno (non antè) quo Iosephum sui fratres vendiderunt. Ita contra Aben Esra Testatus hic, Pererius disp. 1. Del Rio, Cornelius, Bonfrerius, Menochius, Salianus an. m. 2306. Addunt plerique diserte Iudam tunc fuisse 20. circiter annorū. Probant 1. Quia nulla vel apparens occurrit ratio, cur hoc loco Moyses tēporis ordinem inuerteret. Nam cap. 37. historiam de Iosepho orditur, ab eius in Aegyptum abductione: deinde cap. 38. de Iuda narrationem instituit. Capite 39. & sequentibus, ea persequitur, quæ maxime ad Iosephum spectant. Quod si prius matrimonium iniisset & liberos suscepisset Iudas, quam Iosephus traderetur, id sine dubio prius enarrasset, vt res deinde à Iosepho gestas vno historie filo sine interruptione aut capitis tricesimi octauo interpositione absolueret. Idem probant duobus argumentis, quæ iam contra priorem opinionem attuli, & breuè huius rei Chronotaxin hoc fere modo componunt. Cū Iacobum de Iosepho recens perditō in tērentem sui filij consolarentur in Hebron, dimissus à cæteris Iudas descendit Odollam & inde coniugem duxit filiā Sue, eo fere tempore, quo Ioseph in Aegyptum abductus est, Tū Iudas erat 20. fere

Q 2

anno

annorum, vtpotè triennio ante Iosephum in lumen editus. Intra annum à Iude coniugio natus fuerit Her, nec multo post Onan, tercio circiter anno Sela. Sic anno decimo octavo à nuptijs Iudæ, Her ad annum 17. ætatis suæ prouectus, Thamar vxorem duxerit, ac paucis mensibus exactis interierint, Thamar biennio, si placet, Selam futurum maritum expectarit. Tum fraudulento concubitu Phares & Zaram ex Iuda conceperit, ac anno sequenti ante descensum in Ægyptū pepererit. Sic non incommodè ea omnia fieri potuerunt, quæ à vendito Ioseph vsque ad ortum Phares & Zaræ cap. 38. narrantur. Hinc sequitur Hamul & Hefron, non in Chananitide, sed in Ægypto natos; quomodo verò id non pugnet, cum numero personarum, quæ cum Israëlè, in Ægyptum descendisse dicuntur, dicam cap. 46.

CAPVT XXXIX.

GEN. v. 7.

*De Iosepho
ab hera
solicitato.*

Post multos itaque dies, iniecit Domina oculos suos in Ioseph. Hebræi in suo Seder Olam cap. 2. asserunt Iosephum 12. menses in herili domo mansisse, totidem annos carcere Ægyptio detentum: imò ad annos 13. Iosephi carcerem extendere videntur, Demetrius apud Eusebium & S. Chryostomus hom. 6. in Genesim, & hom. 8. in Epist. ad Ephesios, nisi forte vincula & carceres coniugio seruitutis confundant. Fauet Philo in libro de Ioseph, quem *vea viros* vocat, dum ad facinus prouocabatur. S. Hieronymus in Pl. 104. ait Iosephum 13. annos natum, admatum esse à Domina. Verum alij communiter censent Iosephum non vltra triennium fuisse in vinculis, vt paulo post declarabo. Longiori enim quam 12. mensium spatio probanda fuit à Putiphare Iosephi industria, prudentia, vitæ integritas, antequam rotius familiæ, & rerum suarum gubernatione emptio seruo committeret, antequam videret agros & fortunas suas Iosepho gubernante plurimum auctas, antequam fidem Iosephi ita haberet perspectam, vt nihil cognosceret Putiphar, nisi panem, quo vesceretur. Gen. v. 6. Etsi verò Iosephi indoles ea fuerit, vt benevolentiam & amorem Domini statim conciliaret: non est tamen credibile, eum amorem in turpitudinis suam exarsisse. Nemo derepente fit pessimus. Nec refert, quod voceretur *vea viros*: hoc enim non solum ad ætatem teneriorem Iosephi, vt cum esset aut 18. annorum, sed etiam ad singularem morum facilitatem, ac amabilem ingendi rationem accommodari potest. Taceo S. Paulum cum annorum triginta excessisset appellari *vea viros*, siue adolescentem. Act. 7. v. 57. Ita Ioseph videtur à sua hera sollicitatus, cum ipse esset circiter

27. annorum.